

ქ. ბათუმი

28 ოქტომბერი 2011 წ.

ერთის მხრივ, ა(ა)იპ ბათუმის ტურისტული სააგენტო (შემდგომში „შემსყიდველი“), წარმოდგენილი მისი დირექტორის გიორგი ზოიძის სახით და მეორეს მხრივ შპს „საქართველო“, დირექტორი თემურ ჭყონია (შემდგომში – „მიმწოდებელი“), „სახელმწიფო შესყიდვების შესახებ“ საქართველოს კანონის 10¹ მუხლის მე-3 პუნქტის „ვ“ ქვეპუნქტის საფუძველზე დებენ სახელმწიფო შესყიდვის ხელშეკრულებას შემდეგი შინაარსით:

1. ხელშეკრულების საგანი

1.1 ხელშეკრულების საფუძველზე მიმწოდებელი აწვდის შემსყიდველს რესტორნის მომსახურებას (ბანკეტი) ბათუმის საერთაშორისო გამოფენა „მშენებლობა და დიზაინი 2011“ მონაწილეებისათვის (200 კაცი) ქობულეთში, სასტუმრო „ჯორჯიან პალასში“ 2011 წლის 30 ოქტომბერს, შემდგომში მომსახურებას, ხოლო შემსყიდველი თანახმაა აუნაზღაუროს მიმწოდებელს მომსახურების ღირებულება.

1.2 ხელშეკრულების საერთო თანხა შეადგენს 12 000 (თორმეტი ათას) ლარს, რომელშიც შედის კანონმდებლობით გათვალისწინებული გადასახადები.

2. ანგარიშსწორების წესი

2.1 მხარეებს შორის ანგარიშსწორება არის უნაღდო. შემსყიდველის მიერ მომსახურების ღირებულების ანაზღაურება მოხდება მიმწოდებლის მიერ წარმოდგენილი ინვოისის საფუძველზე 15 (თხუთმეტი) საბანკო დღის განმავლობაში.

3. მხარეთა უფლება –მოვალეობანი

3.1. შემსყიდველი უფლებამოსილია:

ა) მოსთხოვოს მიმწოდებელს წინამდებარე ხელშეკრულებით ნაკისრი ვალდებულების შეუსრულებლობით ან არაჯეროვანი შესრულებით მიყენებული ზიანის სრულად ანაზღაურება;

ბ) განახორციელოს წინამდებარე ხელშეკრულებით გათვალისწინებული სხვა ქმედებები.

3.2 მიმწოდებელი ღებულობს ვალდებულებას:

ა) კეთისინდისიერად შეასრულოს წინამდებარე ხელშეკრულების 1.1. პუნქტით ნაკისრი ვალდებულებები.

4. მხარეთა პასუხისმგებლობა

ხელშეკრულების პირობების დარღვევისათვის

4.1. მხარეთა მიერ წინამდებარე ხელშეკრულების პირობების დარღვევის შემთხვევაში მათ დაეკისრებათ მეორე მხარისათვის მიყენებული ზიანის ანაზღაურება.

5. ხელშეკრულებაში ცვლილებების შეტანა

5.1 ხელშეკრულების დამდებ არც ერთ მხარეს არა აქვს უფლება ცალმხრივად შეცვალოს ხელშეკრულების პირობები.



5.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით დაუყოვნებლივ შეატყობინოს მეორე მხარეს შესაბამისი ინფორმაცია. ამავე დროს თითოეული მხარე ვალდებულია წარუდგინოს მეორე მხარეს მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.

5.3 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

5.4. საჭიროების შემთხვევაში შექმნილი ვითარებიდან გამომდინარე შეიძლება გადასინჯულ იქნეს ხელშეკრულების პირობები.

6. ფორს-მაჟორი

6.1 ხელშეკრულების პირობების, ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო, არ იქნება განხილული როგორც ხელშეკრულების პირობების შეუსრულებლობა, ან დარღვევა და არ გამოიწვევს საჯარიმო სანქციების გამოყენებას.

6.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული მხარეთა შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ეპიდემიით, კარანტინით ან ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

6.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისდა მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

7. ხელშეკრულების პირობების შეუსრულებლობა

7.1 ხელშეკრულების პირობების შეუსრულებლობისათვის საჯარიმო სანქცია თითოეული მხარისათვის შეადგენს ხელშეკრულების ჯამური ღირებულების 0,1 პროცენტს ყოველი ვადაგადაცილებული დღისათვის.

7.2 საჯარიმო სანქციების გადახდა არ ათავისუფლებს მხარეებს ძირითადი ვალდებულებების შესრულებისაგან.

8. ხელშეკრულების მოქმედების

ვადა და მისი შეწყვეტის პირობები

8.1. ხელშეკრულება ძალაშია ხელმოწერის დღიდან და მოქმედებს 2011 წლის 28 ნოემბრამდე.

8.2 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ.



8.3 ხელშეკრულების დამდები მხარე, რომელიც მიიღებს ასეთ გადაწყვეტილებას ვალდებულია შეატყობინოს მეორე მხარეს მიღებული გადაწყვეტილება, მისი მიღების საფუძველი და ამოქმედების თარიღი. აღნიშნული შეტყობინება უნდა მიეწოდოს მეორე მხარეს გადაწყვეტილების ძალაში შესვლამდე მინიმუმ ორი დღით ადრე.

8.4 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

8.5 ხელშეკრულების შეწყვეტა პირობების დარღვევის გამო არ ათავისუფლებს მხარეს ხელშეკრულების შეუსრულებლობისათვის გათვალისწინებული პასუხისმგებლობისაგან.

8.6 სააგენტოს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

ა) თუ სააგენტოსათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

ბ) კომპანიის გაკოტრების შემთხვევაში;

გ) საქართველოს კანონმდებლობით გათვალისწინებულ სხვა შემთხვევებში.

8.7 ამ მუხლის მე-6 პუნქტის ა) ქვეპუნქტში მითითებულ შემთხვევაში სააგენტო ვალდებულია აუნაზღაუროს კომპანიას ამ ხელშეკრულებიდან გამომდინარე გაწეული ხარჯები.

9. სადაო საკითხების გადაწყვეტა

9.1 ხელშეკრულების დამდები მხარეები თანხმდებიან მასზედ, რომ ყველა ღონეს იხმარენ, რათა პირდაპირი მოლაპარაკებების მეშვეობით შეთანხმებით მოაგვარონ ნებისმიერი უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული საკითხების ირგვლივ.

9.2 თუ ასეთი მოლაპარაკების დაწყებიდან 30 (ოცდაათი) დღის განმავლობაში მხარეები ვერ შეძლებენ სადაო საკითხების შეთანხმებას, ნებისმიერ მხრეს დავის გადაწყვეტის მიზნით შეუძლია დადგენილი წესით მიმართოს აჭარის ავტონომიური რესპუბლიკის სავაჭრო-სამრეწველო პალატასთან არსებულ არბიტრაჟს.

10. გამოყენებული სამართალი

10.1 ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

11. ურთიერთობა ხელშეკრულების დამდებ მხარეებს შორის

11.1 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის სახით. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება ელექტრონული ფოსტის ან ფაქსის გაგზავნის გზით იმ პირობით, რომ შეტყობინების ორიგინალი შემდგომში წარედგინება მეორე მხარეს უშუალოდ ან ხელშეკრულებაში მითითებულ მისამართზე საფოსტო გზავნილის გაგზავნის მეშვეობით.

11.2 შეტყობინება შედის ძალაში ადრესატის მიერ მისი მიღების დღეს.

12. გადასახადები და ბაჟები

12.1 მხარეები პასუხს აგებენ საქართველოს კანონმდებლობით დადგენილი გადასახადების და მოსაკრებლების გადახდაზე თავიანთი ვალდებულებების ნაწილში.



მხარეთა რეკვიზიტები

შემსყიდველი
ა(ა)იპ ბათუმის
ტურისტული სააგენტო

ბათუმი. ზ.გამსახურდიას №1/5
საიდენტიფიკაციო კოდი: 445388054

მიმწოდებელი
შპს "საქართველო"

ქობულეთი, აღმაშენებლის 275
საიდენტიფიკაციო კოდი: 246954176
სს "საქართველოს ბანკი"
ბანკის კოდი BAGAGE22
ა/ნ GE95 BG00000000 199780300

